



Broj: 05-45-1-425/2023
Maglaj, 17.03.2023. godine

OPĆINSKO VIJEĆE MAGLAJ

Predmet: Dostava Izvještaja o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022.godinu.

U prilogu akta dostavljamo Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022.godinu.

Izvještaj je pripremila Služba za urbanizam, geodetske i imovinsko-pravne poslove Općine Maglaj.


Obrađivač-Jasmina Alić, ing.grad.

Kontrolor-Nedžad Čatić, dipl.ing.geodezije

DOSTAVLJENO:

1. Naslovu
2. a/a





BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj
OPĆINSKO VIJEĆE



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
Maglaj Municipality
MUNICIPAL COUNCIL

**IZVJEŠTAJ O UTROŠKU SREDSTAVA I REALIZACIJI PLANA I
PROGRAMA ODRŽAVANJA JAVNOG ZELENILA NA GRADSKOM
PODRUČJU SA FINANSIJSKIM POKAZATELJIMA ZA 2022. GODINU**

I Uvod

U skladu sa članom 3. i članom 9. Zakona o komunalnim djelatnostima („Službene novine Zeničko-Dobojskog kantona“ broj: 17/08), članom 71. Odluke o komunalnom redu i sanitarnom minimumu („Službene novine Općine Maglaj“ broj: 03/18), na osnovu člana 8., člana 13. i člana 15. Zakona o principima lokalne samouprave („Službene novine Federacije Bosne i Hercegovine“ br. 49/06, 51/09) u Budžetu/Proračunu Općine Maglaj za 2022. godinu na poziciji 613 951 planirana su sredstva u iznosu od 80.000,00 KM sa PDV za zaštitu okoline-održavanje gradskog zelenila, mokro održavanje javnih površina i realizaciju mini projekata iz oblasti zaštite životne sredine.

Na sjednici Općinskog vijeća Maglaj, održanoj dana, 10.02.2022.godine, usvojen je Plan i program održavanja javnog zelenila na gradskom području sa finansijskim pokazateljima za 2022.godinu, broj: 02-04-1-222/22.

Pod poslovima održavanja zelenih površina obuhvaćenih navedenim Planom i programom podrazumijeva se:

- mašinsko košenje travnjaka sa izgrablivanjem travnjaka i uklanjanjem otpada,
- orezivanje žive ograde na 60 cm, sa uklanjanjem otpada,
- orezivanje grmlja u cilju podmlađivanja, sa uklanjanjem otpada,
- okopavanje i plijevljenje grmlja i žive ograde, sa uklanjanjem otpada,
- čišćenje obale rijeke Bosne na potezu podvožnjak Liješnica-Dom zdravlja,
- čišćenje zelenih površina-krčenje srpom šiblja, grabljanje i odstranjivanje otpada,
- utovar i odvoz otpada proisteklog po radovima iz prethodnih stavki.

Pod poslovima održavanja drvoreda podrazumijeva se:

- proljetno ili jesensko orezivanje-formiranje krošnji stabala sa svim pripradajućim radovima, utovarom i odvozom otpada,
- eventualne intervencije na uklanjanju lomova grana i vjetroizvala, sa utovarom i odvozom otpada.

Realizacija mini projekata iz oblasti zaštite životne sredine podrazumijeva sljedeće:

- hortikulturno uređenje Centralnog parka (proljetno i jesensko),
- zasađivanje postojećih žardinjera u gradu i u Starom gradu,
- hortikulturno uređenje kružnog toka (proljetno i jesensko),
- oplemenjavanje zelenih površina u drugim dijelovima grada,
- održavanje postojećih sadnica ruža,
- održavanje fontane u Parku ljiljana,
- popravke i održavanje uličnog mobilijara i opreme na postojećim dječijim igralištima,
- nabavku i ugradnju novog uličnog mobilijara,
- uređenje spomen obilježja (Abidovića spomenik, Spomenik poginulim danskim vojnicima, Spomen obilježje na Čakalovcu, Spomenik civilnim žrtvama rata kod solitera, spomenik na O.polju i dr.).

Na osnovu člana 9. istog zakona, Općina obavljanje pojedinih komunalnih djelatnosti koje se finansiraju iz njenog Budžeta/Proračuna obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

II Realizacija projekta

Dana, 01.04.2022.godine Općina Maglaj je, na osnovu prethodno usvojenog Plana i programa održavanja javnog zelenila na gradskom području sa finansijskim pokazateljima za 2022.godinu i dobijene Saglasnosti od Ministarstva za prostorno uređenje, promet i komunikacije i zaštitu okoline Zenica na Program utroška sredstava Fonda za zaštitu okoline Zeničko-Dobojskog kantona za 2022.godinu, sa “KJD” d.o.o. Maglaj potpisala Ugovor o

redovnom održavanju gradskog zelenila, mokrom održavanju javnih površina i realizaciji mini projekata iz oblasti zaštite životne sredine za 2022.godinu, broj: 05-45-1-603/2022.

Redovne aktivnosti po Ugovoru i po usvojenom Planu i programu održavanja javnog zelenila na gradskom području sa finansijskim pokazateljima za 2022. godinu, vršene su u periodu od 01.04. do 15.11.2022.godine.

Ministarstvo za prostorno uređenje, promet i komunikacije i zaštitu okoline Zenica dalo je Saglasnost broj: 12-19-1790-S/22 od 18.03.2022.godine na Program utroška sredstava Fonda za zaštitu okoline Zeničko-Dobojskog kantona za 2022.godinu, kojom je za općinu Maglaj opredijeljen iznos od oko 65.000,00 KM.

Takođe je Općini Maglaj iz Fonda za zaštitu okoline Zeničko-Dobojskog kantona, po osnovu Uredbe o vrstama naknada i kriterijumima za obračun naknada za zagađivače zraka, opredijeljen iznos od 27.220,61 KM sa PDV.

U protekloj godini radovi su vršeni stručno i kvalitetno i u skladu sa aktivnostima predviđenim u Planu i programu održavanja javnog zelenila na gradskom području sa finansijskim pokazateljima za 2022. godinu.

Svi radovi proistekli iz Ugovora su evidentirani u dnevnik rada, na osnovu kojih su ispostavljane mjesečne situacije i fakture i na osnovu kojih je plaćano Izvršiocu poslova "KJD" d.o.o. Maglaj, u zavisnosti od priliva sredstava iz Fonda za zaštitu okoline Zeničko-Dobojskog kantona.

U toku 2022. godine na Budžet/Proračun Općine Maglaj doznačena su sredstva iz Fonda za zaštitu okoline, u ukupnom iznosu od 95.146,02 KM sa PDV i prenešena su sredstva iz 2021. godine u iznosu od 20,30 KM :

- prenos nepotrošenih sredstava iz 2021. godine 20,30 KM
- za IV kvartal 2021.godine- izvršena uplata 02.02.2022.godine : 17.282,93 KM
- za I kvartal 2022.godine- izvršena uplata 28.04.2022.godine : 14.242,20 KM
- naknada zagađivača zraka - izvršena uplata 26.07.2022.godine : 27.220,61 KM
- za II kvartal 2022.godine- izvršena uplata 02.08.2022.godine: 17.166,64 KM
- za III kvartal 2022.godine - izvršena uplata 09.11.2022.godine: 19.233,64 KM

UKUPNO sa PDV: 95.166,32 KM

Iz priloženog se vidi da je Fond za zaštitu okoline Zeničko-Dobojskog kantona Općini Maglaj u toku 2022.godine doznačio namjenska sredstva za za IV kvartal 2021. godine u iznosu od 17.282,93 KM sa PDV.

Za 2022.godinu doznačena su sredstva za I,II, III kvartal i naknadu zagađivača zraka za 2022.godinu, u ukupnom iznosu od 77.863,09 KM sa PDV.

Utrošena sredstva, kojim pravdama doznačena sredstva iz Fonda za zaštitu okoline za 2022. godinu, uplaćena na račun KJD d.o.o. Maglaj, iznose 82.927,34 KM:

- uplaćeno na dan, 09.02.2022. - održavanje gradskog zelenila – 9.198,20 KM
- uplaćeno na dan, 07.06.2022. - održavanje gradskog zelenila – 14.237,46 KM
- uplaćeno na dan, 27.09.2022. - održavanje gradskog zelenila – 44.378,70 KM
- uplaćeno na dan, 11.11.2022. - održavanje gradskog zelenila – 8.100,36 KM
- uplaćeno na dan, 01.12.2022. - održavanje gradskog zelenila – 7.012,62 KM

UKUPNO sa PDV: 82.927,34 KM

S obzirom da su u toku 2022. godine na Budžet/Proračun Općine Maglaj doznačena sredstva iz Fonda za zaštitu okoline u ukupnom iznosu od 95.146,02 KM i prenešena su sredstva iz 2021. godine u iznosu od 20,30 KM a utrošena su sredstva, kojim pravdomo doznačena sredstva iz Fonda za zaštitu okoline za 2022. godinu, uplaćena na račun KJD d.o.o. Maglaj u iznosu od 82.927,34 KM KM, razlika u iznosu od 12.238,98 KM se prenosi u 2023.godinu, zajedno sa IV kvartalom za 2022.godinu.

PREDSJEDAVAJUĆA

Svjetlana Zamboni